

15.04.2021թ.

ք. Երևան

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՈՐՈՇՈՒՄ թիվ 003186 /09-Վ
ՎԱՐՉԱԿԱՆ ՎԱՐՈՒՅԹԸ ՎԵՐԱԿԱՆԵԼՈՒ ԵՎ
ԿԱՐՃԵԼՈՒ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա.Մնացականյանս, քննելով վարչական իրավախախտման վերաբերյալ թիվ 9883 գործը և ուսումնասիրելով վարչական իրավախախտման վերաբերյալ 15.04.2021 թվականի թիվ արձանագրությունը և կից նյութերը,

ՊԱՐԶԵՑԻ

«ՎԵԴՈՒ ՀԱՅ» ՍՊԸ-ի տնօրեն Ազատ Գալստյանը (ՀՎՀՀ՝ 04102204, հասցե՝ ք. Երևան, Գյուլբենկյան 30/302., բն. 49) 2020թ. նոյեմբեր ամսվա եկամտային հարկի հաշվարկը ՀՀ Հարկային օրենսգրքի 156-րդ հոդվածով սահմանված ժամկետում չի ներկայացրել հարկային մարմին, ինչի համար վարչական պատասխանատվություն է նախատեսված Վարչական իրավախախտումների վերաբերյալ ՀՀ օրենսգրքի 169՝ հոդվածի 2-րդ մասով:

Վարչական վարույթի շրջանակներում Ազատ Գալստյանին հասցեագրվել է ծանուցագիր՝ վարչական իրավախախտման վերաբերյալ արձանագրության կազմմանը և գործի քննությանը մասնակցելու վերաբերյալ: Նկատի ունենալով, որ ծանուցագիրը ստանալու վերաբերյալ հավաստող ապացույց առկա չէ, ՀՀ ՊԵԿ իրավաբանական վարչության պետի կողմից 19.02.2021 թվականին կայացվել է վարչական վարույթը կասեցնելու մասին որոշում՝ համաձայն «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին մասի «գ» կետի:

Կողմին հայտնաբերելու նպատակով ձեռնարկվել են համապատասխան միջոցներ: Գործում առարկություն կամ բացատրություն առկա չէ:

ՀՀ ՊԵԿ տեղեկատվական համակարգում առկա տվյալների ուսումնասիրության արդյունքում պարզվել է, որ Ազատ Գալստյանը 2020 թվականի նոյեմբեր ամսվա եկամտային հարկի հաշվարկը ներկայացրել է ՀՀ Հարկային օրենսգրքի 156-րդ հոդվածի 1-ին մասով սահմանված ժամկետից ուշ՝ 27.03.2021թ.-ին, որից առաջացել է 12.650 ՀՀ դրամ եկամտային հարկի գումար:

Հաշվի առնելով վերոգրյալը և նկատի ունենալով, որ 2020 թվականի նոյեմբեր ամսվա եկամտային հարկի հաշվարկից առաջացած գումարը կազմել է ընդամենը 12.650 ՀՀ դրամ և վարչական իրավախախտումը նվազ նշանակություն ունի, ինչպես նաև այն, որ Ազատ Գալստյանը նախկինում չի ենթարկվել վարչական պատասխանատվության, ուստի ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 21-րդ հոդվածով, 244², 281 հոդվածներով և 282 հոդվածի 1-ին մասի 2-րդ կետով, Վարչարարության հիմունքների և վարչական վարույթի մասին ՀՀ օրենքի 8-րդ, 49-րդ հոդվածի 3-րդ մասով՝

ՈՐՈՇԵՑԻ

- Ազատ Գալստյանի վերաբերյալ հարուցված թիվ _____ վարչական վարույթը վերսկսել:
- Ազատ Գալստյանին ազատել վարչական պատասխանատվությունից և հայտարարել բանավոր դիտողություն:
- Ազատ Գալստյանի վերաբերյալ հարուցված թիվ _____ վարչական վարույթը կարգել:

ՀՀ ՊԵԿ ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ



Ծանոթություն. Վարչական իրավախախտումների վերաբերյալ ՀՀ օրենսգրքի համաձայն
Վարչական տույժ նշանակելը վարչական իրավախախտում կատարած անձին չի ազատում այն պարտականության գումարումից, որը
չկատարելու համար նշանակվել էր վարչական տույժ (հոդված 40)
Վարչական իրավախախտման վերաբերյալ գործի որոշման դեմ գանգատ կարող է տրվել որոշումն, համաձայն ինչի՝ որոշումն օրվա
ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել ամսապարտ քննելու
համարժեքով: